

## **KinyaRwanda - Agakiza Ibyanditswe - Deliverance Scriptures**

**Ibarura 10:35 Uko iyo sanduku yahagurukaga Mose yaravugaga ati “Uwiteka haguruka ababisha bawe batatane, abanzi bawe baguhunge.”**

**Ivugururamategeko 23:5 kuko batabasanganije ibyokurya n'amazi ubwo mwavaga muri Egiputa, kandi kuko baguriye Balāmu mwene Bewori w'i Petori yo muri Mezopotamiya ngo akuvume. (Nehemiya 13:2)**

**Zaburi 44:4 Kuko atari iyabo nkota yabahaye guhindūra igihugu, Kandi atari ukuboko kwabo kwabakijije. Ahubwo ni ikiganza cyawe cy'iburyo, N'ukuboko kwawe n'umucyo wo mu maso hawe, Kuko wabishimiraga.**

**Ezayi 61:1 Umwuka w'Umwami Imana ari kuri jye, kuko Uwiteka yansize amavuta ngo mbwirize abagwaneza ubutumwa bwiza, yantumye kuvura abafite imvune mu mutima no kumenyesha imbohe ko zibohowe, no gukingurira abari mu nzu y'imbohe. (Luka 4:18)**

**Matayo 6:13 Ntuduhāne mu bitwoshy, ntuduhāne mu bitwoshy: cyangwa, ntutujyane mu bitugerageza. Ahubwo udukize Umubi, Kuko ubwami n'ubushobodzi n'icyubahiro ari ibyawe, None n'iteka ryose. Amen. ' (Luka 11:4)**

**Matayo 8:16 Nimugoroba bamuzanira abantu benshi batewe n'abadayimoni, yirukanisha abadayimoni itegeko gusa, akiza abari barwaye bose,**

**Matayo 10:1 Ahamagara abigishwa be cumi na babiri, abaha ubutware bwo kwirukana abadayimoni no gukiza indwara zose n'ubumuga bwose. (Mariko 3:14,15)**

**Matayo 10:8 Mukize abarwayi, muzure abapfuye, mukize ababembe, mwirukane abadayimoni. Mwaherewe ubusa, namwe mujye mutangira ubundi.**

**Matayo 12:26-29 None se Satani niba yirukana Satani ko aba yigabanyije ubwe, ubwami bwe buzagumaho bute? 27 Nanje niba ari Belizebuli umpa kwirukana abadayimoni, abana banyu ni nde ubaha kubirukana? Ni cyo gituma ari bo babacira urubanza. 28 Arikò Umwuka w'Imana niba ari we umpa kwirukana abadayimoni, noneho ubwami bw'Imana buba bubaguye gitumo. 29 “Umuntu yabasha ate kwinjira mu nzu y'umunyamaboko ngo amusahure ibintu, atabanje kuboha uwo munyamaboko, ko ari bwo yabona uko asahura inzu ye? (Mariko 3:23-27)**

**Matayo 12:43-45 “Dayimoni iyo avuye mu muntu, anyura ahadafite amazi ashaka uburuhukiro akabubura. 44 Akavuga ati ‘Reka nsubire mu nzu yanje navuyemo.’ Yagerayo agasanga irimo ubusa, ikubuwe, iteguwe. 45 Ni ko kugenda akazana abandi badayimoni barindwi bamurusha kuba babi, bakinjira bakabamo, ibyo hanyuma by'uwo muntu bikarusha ibya mbere**

**kuba bibi. Ni ko bizaba ku b'iki gihe kibi.”**

**Matayo 15:22,26,28 Umunyakanānikazi aturuka muri icyo gihugu arataka cyane ati “Mwami mwene Dawidi, mbabarira, umukobwa wanje ateve na dayimoni cyane.” 26 Aramusubiza ati “Si byiza kwenda ibyokurya by'abana ngo mbijugunyire imbwa.” 28 Maze Yesu aramusubiza ati “Mugore, kwizera kwawe ni kwinshi, bikubere uko ushaka.” Umukobwa we aherako arakira.**

**Matayo 16:19 Nzaguha imfunguzo z'ubwami bwo mu ijuru, kandi icyo uzahambira mu isi kizaba gihambiriwe mu ijuru, n'icyo uzahambura mu isi kizaba gihambuwe mu ijuru.” (Matayo 18:18)**

**Matayo 17:19-21 Maze abigishwa begera Yesu biherereye bati “Ni iki cyatumye twebwe bitunanira kumwirukana?” 20 Arabasubiza ati “Ni ukwizera kwanyu guke: ndababwira ukuri yuko mwaba mufite kwizera kungana n'akabuto ka sinapi, mwabwira uyu musozi muti ‘Va hano ujye hirya’ wahava, kandi ntakizabananira. [ 21 Ariko bene uwo ntavanwamo n'ikindi keretse gusenga no kwiyiriza ubusa.]”**

**Mariko 1:23-26 Mu isinagogi yabo harimo umuntu utewe na dayimoni, arataka cyane ati 24 “Duhuriye he Yesu w'i Nazareti? Uje kuturimbura? Ndakuzi uri uwera w'Imana.” 25 Yesu aramucyaha ati “Hora muvemo.” 26 Dayimoni aramutigisa, ataka ijwi rirenga amuvamo.**

**Mariko 1:32-34 Nimugoroba izuba rirenze, bamuzanira abarwayi bose n'abatewe n'abadayimoni, 33 ab'umudugudu wose bateranira ku irembo. 34 Akiza benshi bari barwaye indwara zitari zimwe, yirukana abadayimoni benshi, ntiyabakundira ko bavuga kuko bari bamuzi.**

**Mariko 1:39 Ajya mu masinagogi y'ab'i Galilaya yose, abwiriza kandi yirukana abadayimoni.**

**Mariko 5:8 (kuko yari amubwiye ati “Dayimoni we, muvemo!”)**

**Mariko 6:7,13 Bukeye ahamagara abo cumi na babiri, aherako atuma babiri babiri, abaha ubutware bwo gutegeka abadayimoni. 13 birukana abadayimoni benshi, basiga amavuta abarwayi benshi barakira.**

**Mariko 9:23-25 Yesu aramubwira ati “Uvuze ngo ‘Niba mbishobora?’ Byose bishobokera uwizeye.” 24 Uwo mwanya se w'uwo mwana avuga cyane ati “Ndizeye, nkiza kutizera.” 25 Yesu abonye iryo teraniro ry'abantu rimushikiye biruka acyaha dayimoni ati “Yewe dayimoni utavuga kandi utumva, ndagutegetse muvemo, ntukamugarukemo ukundi.”**

**Mariko 9:29 Arabasubiza ati “Bene uwo ntavanwamo n'ikindi, keretse gusenga no kwiyiriza ubusa.”**

**Mariko 9:38,39 Nuko Yohana aramubwira ati “Mwigisha, twabonye umuntu wirukana abadayimoni mu izina ryawe, turamubuza kuko adasanzwe adukurikira.” 39 Yesu aramusubiza ati “Ntimumubuze, kuko umuntu ukora igitangaza mu izina ryanje atābasha kunsebya bitamuruhiye,**

**Mariko 16:17 Kandi ibimenyetso bizagumana n'abizera ngibi: bazirukana**

**abadayimoni mu izina ryanje, bazavuga indimi nshya,**

**Luka 4:34-36 “Ayii we! Duhuriye he Yesu w'i Nazareti? Uje kuturimbura?**

**Ndakuzi uri Uwera w'Imana.” 35 Yesu aramucyaha ati “Hora muvemo.”**

**Dayimoni amutura hasi hagati yabo, amuvamo atagize icyo amutwara. 36**

**Bose barumirwa barabazanya bati “Mbega rino jambo ni jambo ki?**

**Arategekesha abadayimoni ubutware n'ububasha bakavamo!”**

**Luka 4:41 Kandi n'abadayimoni bava muri benshi bataka bati “Uri Umwana w'Imana.” Arabacyaha, ababuza kuvuga kuko bari bazi yuko ari Kristo.**

**Luka 7:21 Nuko muri uwo mwanya akiza benshi indwara n'ibyago n'abadayimoni, n'impumyi nyinshi arazihumura.**

**Luka 8:29 (Icyatumye abivuga atyo ni uko Yesu yari ategetse dayimoni kumuvamo. Dayimoni yajyaga amutera kenshi, ni cyo gituma bamurindaga bamubohesheje iminyururu y'amaboko n'ingoyi y'amaguru akabicagagura, dayimoni akamwirukana mu butayu.)**

**Luka 9:40 Ninginze abigishwa bawe ngo bamwirukane, ariko ntibabibasha.”**

**Luka 10:17-20 Nuko abo mirongo irindwi bagaruka bishima bati “Databuja, abadayimoni na bo baratwumvira mu izina ryawe.” 18 Arababwira ati “Nabonye Satani avuye mu ijuru, agwa asa n'umurabyo. 19 Dore mbahaye ubutware bwo kujya mukandagira inzoka na sikorupiyo, n'imbaraga z'Umwanzi zose, kandi nta kintu kizagira icyo kibatwara rwose. 20 Ariko ntimwirimire yuko abadayimoni babumvira, ahubwo mwishimire yuko amazina yanyu yanditswe mu ijuru.”**

**Luka 11:14 Yesu yirukanye dayimoni utera uburagi mu muntu, dayimoni amaze kuva mu kiragi kiravuga, abantu baratangara.**

**Luka 11:20-22 Ariko urutoki rw'Imana niba ari rwo rumpa kwirukana abadayimoni, noneho ubwami bw'Imana bubaguye gitumo. 21 “Umunyamaboko ufite intwaro iyo arinze urugo rwe, ibintu bye biba amahoro. 22 Ariko umurusha amaboko iyo amuteye akamunesha, izo ntwaro ze zose yari yizigiye arazimwambura, n'ibyo amunyaze akabigaba.**

**Luka 13:32 Arababwira ati “Nimugende mubwire iyo ngunzu muti ‘Dore arirukana abadayimoni, arakiza abantu none n'ejo, maze ku munsi wa gatatu azaba arangije rwose.’**

**Yohani 14:12 Ni ukuri, ni ukuri, ndababwira yuko unyizera, imirimo nkora na we azayikora ndetse azakora n'iyiruta, kuko njya kwa Data.**

**Yohani 17:15 Sinsaba ko ubakura mu isi, ahubwo ubarinde Umubi.**

**Ibyakozwe 10:38 ni irya Yesu w'i Nazareti, uko Imana yamusutseho Umwuka Wera n'imbaraga, akagenda agirira abantu neza, agakiza abo Satani atwaza igitugu, kuko Imana yari iri kumwe na we.**

**Ibyakozwe 16:17,18 Bukeye tujya aho basengera, duhura n'umuja uragura utewe na dayimoni, yungukiraga ba shebuja cyane n'ingemu. 17 Uwo akurikira Pawulo natwe arasakuza ati “Aba bantu ni abagaragu b'Imana**

**Isumbabyose, kandi barababwira inzira y'agakiza."**

**Ibyakozwe 19:11,12 Kandi Imana yakoresaga amaboko ya Pawulo  
ibitangaza bikomeye. 12 Ndetse bashyiraga abarwayi ibitambaro  
n'imyenda bivuye ku mubiri we bagakira indwara zabo, abadayimoni  
bakabavamo.**

**Ibyakozwe 26:15-18 Nanje ndabaza nti 'Uri nde, Mwami?' Umwami  
aransubiza ati 'Ndi Yesu uwo urenganya. 16 Arikoruka uhagarare,  
kuko igitumye nkubonekera ari ukugira ngo ngutoranye nkugire umukozi  
wanje, n'umugabo wo guhamya ibyo ubonye n'ibyo nzakubonekerana, 17  
ngukize ab'ubwoko bwanyu n'abanyamahanga ari bo ngutumyeho, 18  
kugira ngo ubahumure amaso na bo bahindukire bave mu mwijima bajye  
mu mucyo, bave no mu butware bwa Satani bajye ku Mana, bahereko  
bababarirwe ibyaha byabo baraganwe n'abejejwe no kunyizera.'**

**Abanyaroma 16:20 Imana nyir'amahoro izamenagurira Satani munsi  
y'ibirenge byanyu bidatinze. Ubuntu bw'Umwami wacu Yesu Kristo bubane  
namwe.**

**2 Abanyakorinti, iya 2:11 kugira ngo Satani atagira icyo adutsindisha kuko  
tutayobewe imigambi ye.**

**Abanyagalati 1:4 witangiye ibyaha byacu ngo aturokore iki gihe kibi cya  
none, nk'uko Imana Data wa twese yabishatse.**

**Abanyaefezi 4:27 kandi ntimumbererekere Satani.**

**Abanyaefezi 6:11 Mwambare intwaro zose z'Imana, kugira ngo mubashe  
guhagarara mudatsinzwe n'uburiganya bwa Satani.**

**2 Abanyatesaloniki, iya 3:2,3 kandi ngo dukire abantu babi b'ibigoryi kuko  
kwizera kudafitwe na bose. 3 Arikoruka Umwami ni uwo kwizerwa, ni we  
uzakomeza mwebwe, abarinde Umubi.**

**2 Timote, iya 2:26 bityo bakabasha kwisubiraho maze bakigobotora mu  
mitego y'umwanzi Satani, wabagize imbohe ze ngo bakore ibyo ashaka.**

**2 Timote, iya 4:18 Kandi Umwami wacu azankiza ibibi bangirira byose,  
andindire kugira ngo anjyane mu bwami bwe bwo mu ijuru. Icyubahiro kibe  
icye, iteka ryose, Amen.**

**1 Petero, iya 5:8 Mwirinde ibisindisha mube maso, kuko umurezi wanyu  
Satani azerera nk'intare yivuga ashaka uwo aconshomera.**

**1 Yohani, iya 4:4 Bana bato, muri ab'Imana kandi ba bandi mwarabanesheje,  
kuko uri muri mwe aruta uri mu b'isi.**